

嵩嶽志

利

嵩嶽志

(四冊二函)

天津古籍書店重印

一九八三年五月

定價：三十四元

說明

此書宋楊楸原抄，書中缺字、模糊不清和錯頁均未作修改。

天津古籍書店

一九八三年五月

嵩嶽文志卷之四

七言律詩

嵩山石淙侍宴應制

沈佺期

金輿旦下綠雲衢，綵殿晴臨碧澗隅。
谿水泠泠雜行漏，山煙片片引香爐。
仙人六膳調神鼎，玉女三漿捧帝壺。
自昔汾陽紆道駕，無如太室覽真圖。

石淙侍宴應制

宋之問

離宮秘苑勝瀛洲，別有仙人洞壑幽。
巖邊樹色金風冷，石上泉聲帶雨秋。
鳥向歌筵來度曲，雲依帳殿結

為樓微臣昔忝方明御今日還陪八駿遊

遊石淙二首

崔融

洞口仙巖類削成
泉香石冷畫含清
龍旗畫月中天
下鳳管披雲此地迎
樹作帷屏陽景翳
芝如宮闕夏涼生
今朝出豫臨玄圃
明日陪遊向赤城

玉洞幽尋更是天
朱霞綠杳鎮韶年
飛花藉藉迷行路
轉鳥遙遙作管絃
霧隱長林成翠幄
風吹細雨即虹泉
此中碧酒恒參聖
浪道崑山別有仙

送常十九歸嵩少故林

薛曜

迢迢此恨杳無涯
楚澤嵩山萬里賒
岐路別時驚一
葉雲林歸處憶
三花秋禾蒼翠寒
飛鴈古堞蕭條晚
噪鴉他日山中逢
勝事桃源洞裏幾
人家

題嵩陽焦道士石壁

錢起

考功郎中

三峰花半碧
堂懸錦里真人此
得仙玉體纔飛西
蜀雨霓裳欲向大
羅天綵雲不散燒
丹竈白鹿時藏種
玉田幸入桃原因
去世方期冊訣一
延年

送澹公歸嵩山龍潭寺

楊巨源

河中少尹

野煙秋水滄茫遠
禪境真機去住閒
雙樹爲家思舊

壑千花成塔禮寒山洞宮曾向龍邊宿雲徑應從鳥
外還莫戀本師金骨地空門無處復無關

遊少林寺

白居易

野屐田衣六七賢
褰芳踏翠弄潺湲
九龍潭月落盃
酒三品松花飄
管絃強健且宜
遊勝地清涼不
覺過炎天
須知駕鶴乘雲外別是逍遙地上仙

酌暢當嵩山尋麻道上見寄

盧綸

檢校戶部侍郎

聞逐樵夫閑看棋
忽逢人世是秦時
開雲種玉嫌山
淺渡海傳書恠鶴遲
陰洞石幢微有字
古壇松樹半

無枝煩君遠示青囊錄願得相從一問師

過乘如禪師蕭居士嵩丘蘭若李愷

東都留守贈司徒諡忠懿

無着天親弟與兄蕭丘蘭若一峰晴食隨鳴磬巢鳥
下行踏空林落葉聲迸水定侵香案濕雨花應共石
床平深洞長松何所有儼然天竺古先生

送蕭處士歸緱山

許渾

醉歌烏帽髮如絲曾看人一局棋賓館有魚爲客
久鄉書無鴈到家遲緱山住近吹笙廟湘水行逢鼓
瑟祠今夜月明何處宿九疑雲盡綠參差

寄清涼寺僧

溫庭筠

方城令

石路無塵竹徑開
昔年曾伴戴顓來
窻間半偈聞鐘後
松下殘棋送客回
簾向玉峰藏夜雪
砌因藍水長秋苔
白蓮社裏如相問
爲說遊人是姓雷

贈顓頊山人

劉滄

龍門令

浩氣含真玉片輝
著書精義入玄微
洛陽紫陌幾曾醉
少室白雲時一歸
松雪月高唯鶴宿
煙嵐秋霽到人稀
知君濟世有長策
莫問滄浪隱釣磯

同徐處士秋懷少室舊居

周賀

事未

曾居少室黃河畔秋夢長懸未得回扶病半年離水
石思歸一夜隔風雷荒齋幾遇僧眠後晚菊頻經鹿
踏來燈下此心誰共說傍松幽徑已多栽

寄嵩陽道人

曹鄴

洋州刺史

三山浮海倚蓬瀛路入真元險盡平華表千年孤鶴
語人間一夢蛻蟬鳴將龍逐虎神初主積火焚心氣
漸清見說嵩陽有仙客欲持金簡問長生

龍泉寺絕頂

方干

未明先見海底日良久遠雞纔報晨古樹含烟常帶

雨寒巖四月始知春中天氣爽星河近下界時聞雷
雨均前後登臨思無盡年年改換往來人

龍潭張道者

伍喬

碧洞幽巖獨息心時人何路得相尋養生不說憑諸
藥適意惟聞在一琴石逕掃稀山蘚合竹軒開晚野
雲深他年功就期飛去應笑吾徒多苦吟

看賀自真飛昇

陳陶 處士

子晉鸞飛古洛川金挑再熟賀郎仙三清樂奏嵩丘
下五色雲屯御苑前朱頂舞低迎絳節青鬟歌對駐

香輶誰能白畫相悲哭太極元陰幾萬年

登嵩頂

宋邵雍

九州環遶若蒸枰萬歲峯高日太平四海有人能繞
御中原何復有交爭長憂眼效雄輩但願身爲堯

舜氓五十三年蕪沒事如今方喜看春耕

宿少林寺

文彥博太師潞國公

六六仙峯遶佛居俗塵至此輒銷除西來未悟禪師
意北去還馳使者車五品封槐今尚在九年面壁昔
何如心知一宿猶難覺花藏甬尋貝葉書

會善寺

金元好問

白塔沉沉插翠微
魏家宮闕此餘基
人生富貴有遺恨
世事廢興無了期
勝槩只今歸鷺嶺
煙花從昔繞龍墀
長松想是前朝物
及見諸孫賦黍離

望松少二首

前人

崧少飛來崑閬山
山家茅屋翠微間
鷄豚鄉社相勞苦
花木禪房時往還
結習尚餘三宿戀
殘年多負半生閑
長河一葦人千里
望斷西城碧玉環
飲鶴池邊萬木稠
養龍崖上一峰秋
藤蘿絕壁雲

潤澗落哀湍雪共流田父占年驚玉旆詩仙留迹歎
崑丘西風落日山陽道空對紅塵憶舊遊

飲鶴池在緱山養龍

崖在五乳峯下

懷州子城晚望少室

前人

河外青山展臥屏并州孤客倚高城十年舊隱拋何處
一片傷心盡不成谷口暮雲知鄭重林梢殘照故分明
洛陽見說兵猶滿半夜悲歌意未平

遊少林寺

許安仁

汾陽軍節度使

巖壑深嚴入翠微少林金碧霧烟霏五峯屏簇禪菴

小萬劫天開佛日輝聞說九年空面壁得逢二祖便
傳衣千秋少室山靈在曾見先師隻履歸

嵩山承天谷

趙思文
禮部尚書

煙霞直上逍遙谷路轉山腰咫尺迷已覺洞天分聖
境更疑石蹬是仙梯霜添紅葉黃花好天與金壺玉
柱齊兩峯名醉倚西風正南望暮雲煙草一時低

追述崧少之遊

有序

馮壁

元光間予在上龍潭每春秋二仲月往往與元雷
游歷崧少諸藍禪師沐公方事叅訪每相遇輒揮

毫賦詩以道閑適之樂今猶夢寐見之兒子渭近
以公故抵任城禪師附寄詩以叙疇昔未幾駐錫
東庵因造謁間出示裕之數詩醉筆縱橫亦略道
崧遊舊事感嘆之餘漫賦長句二首

性理諸方已徧參歸來一錫駐東庵山中蓮社舊招
隱旅舍阿戎新對談詩筆如君僧有幾文章媿我老
無堪綾書大字拈香疏須趁微之酒半酣

少林脩竹欲天叅竹外幽閑草結庵顧我雖存惟白
髮與君曾此共玄談干戈橫絕境猶夢草樹荒殘人

豈堪臘兔松醪髯莫預商歌悲壯不能酣

送裕之還嵩山

王偓

右司郎中

高懷不受簿書侵清潁鷗盟欲重尋老去宦情知我
薄閑來道念見君深對床夜雨他年夢滿馬西風此
日心嵩頂勝游誰得共仙聞仙馭待知音

遊嵩嶽

元蒲理翰

名山到處駐征騑來訪幽棲杜德機雲蓋浮丘千歲
井煙籠玉女五銖衣唐碑猶有丹砂頌漢室全無青
鳥飛風捲長松發清嘯珮環聲響九天微

代祀嵩嶽夜宿少林

吳全節

葱嶺當時遇宋雲
手提隻履果何因
入山便得安
法立雪能來斷臂人
錫卓一泓雲漫影
花開五葉地
生春無勞照壁瞻
遺像滿目青山是法身

同上題

童南谷

集賢院侍講學士

西來碧眼一胡僧
曾渡寒崖隱少林
半夜傳衣逢斷臂
當年面壁悟安心
一庭雪積山猶在
五葉花開月未沉
奉命頌香瞻隻履
菩提樹底得幽尋

謁嵩陽書院廢址

本朝曹璉